

近代中國史料叢刊續編第四十一輯  
沈 雲 龍 主 編

鹿 洲 初 集

藍鼎元著

卷一至卷五

文 海 出 版 社

有 限 公 司 印 行

# 序

論者曰文章之盛衰因乎風氣  
漢近周秦風氣最上至晉而降  
焉六朝以下又降焉此其說非  
也秦之時詩書燒矣學士殺矣  
董賈匡劉承秦之後火盡薪傳

蓋皆自開運會者於風氣何與  
哉且夫障百川而迴狂瀾此昌  
黎所以起八代之衰而永叔即  
得之以挽五季之靡者也丈夫  
之生也將使鴻業勒鼎鐘大名  
垂宇宙坤可轉而乾可旋而謂

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



文章獨限於風氣耶余讀鹿洲  
之文而益慨然矣今夫前人之  
學崇經濟後人之學工文章經  
濟文章非兩途也而後人岐之  
其經濟非也其文章亦非余謂  
有掀揭之經濟自有炳蔚之文

章臯益伊周其文章詎不冠千  
古哉六經經濟之文章也括六  
經以為文則文章莫非經濟西  
京之盛學士大夫各專一經類  
能自成一家言江都之繁露長  
沙之新書歷久而莫能磨滅者

一根抵於麟經一胚胎於戴記也然而江都之文踈而未密長沙之文博而未精薈萃六藝超越諸家惟中壘為最而說者謂中壘之文考古甚精按今未密蓋經濟之文章若斯其難也鹿

洲經濟之儒文章之匠也其志  
存乎世道人心其心繫乎生民  
社稷其為文如萬斛之泉隨地  
湧出而無不逢其源凡以摠其  
心志之所欲言也是故刊有道  
之碑殉陣罵賊必錄也表柏舟




之節投纆剖股必錄也風俗之  
貞淫必紀之欲躋叔季於淳古  
也形勢之要害士馬之強弱必  
紀之欲奠封疆於磐石也海洋  
之情狀蠻徼之咽喉必紀之直  
欲使禹跡之所未經莊躋之所

不到盡與享王之列也於戲鹿  
洲一海濱儒者耳往者臺疆之  
變倚馬傳檄經濟之文章直須  
寸楮而千里肅然彼司馬諭蜀  
詎足為鹿洲擬耶蓋醞釀經術  
考乎古者無不精而周覽世務

按乎今者無不密起西京諸人  
於今日其以鹿洲之文章為何  
如哉若乃採爾雅之餘摘文選  
之艷雖憂玉而敲金含商而吐  
徵於鹿洲之文章無當也鹿洲  
胸羅山海之經匪供擗拾手披

職方之志不逞才華余聞之鹿  
洲曰相如揆藻不可登孔氏之  
門蓋鹿洲真能轉移風氣者而  
文章自足千古矣余與鹿洲連  
床者三年得徧讀鹿洲之文章  
用弁數言以附不朽海內讀鹿

洲之文者以余言為有當否也  
雍正四年丙午冬十有一月朔  
日衡山年全學愚弟曠敏本拜  
題



予自丙午都門序次鹿洲初集  
於今六七年矣中間光景變態

已多鹿洲學問每與閱歷俱進  
丁未戊申見其政治卓然若古  
循良已酉遭禍窮愁險難之中  
而學益大進予讀棉陽學準幸  
濂洛真傳猶在今日知鹿洲之  
自任斯道者重也讀公案偶紀

讞折疑獄鉤致出奇駸：有孝  
肅遺意焉庚戌季夏復會鹿洲  
于五羊城則著述已充棟矣合  
前初集命予評隲今又續寄附  
益之予為編輯二十卷蓋三年  
坎坷他人所不能堪鹿洲獨視

爲大塊假我進德修業之地寸  
陰是惜秉燭連宵先聖所云無  
入而不自得於此見之集中所  
載以有關世道人心裨益民生  
吏治為主而雕蟲小技不足以  
明聖賢之道開顓蒙之惑者不



與焉蓋道之顯者謂之文非世俗之所謂文也壬子夏四月既望年同學愚弟曠敏本再題



月沙本卷三

三

鹿洲初集舊序

漳浦藍生玉霖孤苦力學弱齡通五經予於癸未歲試拔冠其曹延入學署周歷八閩年來受知諸當路名日著文亦日高己丑夏予再遊榕城生晝夜疾馳七百里來見同遊武彞館于幔亭峰下出近著古文詞請正予快讀一過而告之曰人之有文章猶天地之有山水子亦知武彞之爲山乎兩崖壁立一水中分何其勢之奇峭也三十六峰層列于上九曲滌洄于下何其

境之幽邃也蒼松茂竹名茶異卉叢生而密布  
何其色之芊綿而清麗也是以仙靈托跡隱士  
盤旋卽大儒君子亦於此卜居而棲息焉海內  
騷人墨客重趼而來遊者不絕於道其弗獲來  
者聞聲嚮慕思得一覽其勝以爲快洵乎其爲  
宇內之名山矣然而封禪不及祭告不聞僅得  
比于峨嶠匡廬天台鴈蕩之間而不得列於五  
嶽四鎮之位其故何哉蓋以幽奇清麗則有餘  
而正大雄厚則不足天地之生物其植體也正

則其發見也廣博而不囿於偏其積氣也厚則其布濩也弘遠而不局於小五嶽四鎮惟其體正其氣厚故能爲歷代帝王所隆禮而敬祀不徒供騷人墨客遊覽登臨之具武彘雖名山不得不退處其下也今子之文鯨喏鼇擲一如茲山之奇峭劍蕉抽蛹一如茲山之幽邃含英咀華鏤金錯彩一如茲山之芊綿而清麗其足以高一鄉一國而傳當世夫復奚疑顧子不自域其已至而欲予規其所未至則意者于氣體之

間培之固之恢之廓之當必有日進于雄深浩  
瀚扶餘磅礴之巨觀視今之所造有大過焉者  
於以登之清廟獻之明堂藏之金匱玉檢永爲  
朝家之寶貴亦如五嶽四鎮見重於帝王之廷  
而不僅如今日所遊爲遊覽登臨之具者是則  
予所望於子而子益宜加勉者也生曰有是哉  
夫子之教我多矣願書之以爲序康熙己丑夏  
五月端午後三日浙西友人沈涵心齋氏題于  
武彙之冲佑觀

此己丑夏從遊武彛吾師在幔亭峰下作也  
時余好爲簡潔幽峭之文故師言云然自是  
服膺師訓縱筆所如不復修飾距今二十餘  
年音容猶在而函丈遂成隔世撫卷涕零不  
自覺背汗之交集也雍正辛亥夏日鼎元識





鹿洲初集舊序

道者文之根本。文者道之枝葉。蓋惟根厚而枝榮。本植而葉布。斯其爲文皆見道之文。而所以信今傳後者在是矣。閩中漳浦稱山海奧區。人文淵藪。余蒞閩。甫下車。創書院于會城。招九郡同志。講明正學。纂修先儒諸書。而漳浦之才爲獨盛。藍生玉霖。八閩翹楚也。少孤嗜學。長有文名。當道廉其品。咸折節推重。生閉戶著書。自豪岸然。不以爲意。家無擔石之儲。茹蔬飲水。宴如。

也余嘉其志檄漳守趙君以幣聘之生襍被一  
囊謁余幕下書卷之氣藹焉可親其操行之高  
拳胸襟之灑落幾乎俯視一世與古爲徒閒居  
無事恂恂不見圭角義利是非之介確然有守  
雖有力者不能奪及其毅然有爲一往無前之  
槩直足以倒泰山迴東海雷奔電掣莫之天闕  
蓋根本深厚氣魄力量無所不達而謹慎小心  
深之以涵養斯誠經世良才吾道之羽翼也今  
朝公筆研兩載于茲舉凡先儒諸書所以發明

聖人之道者無不探賾鉤深充然有得爲文章  
高視濶步浩乎不可遏抑之氣亦如其人留心  
經濟坐而言皆可起而行篤實輝光足繼古之  
作者不僅與今人爭枝葉剪綴之能作尋常文  
字已也以生之才之學加以方富之年昂藏之  
志念念有調劑民物補人世缺憾之思一腔熱  
血輝煌翰墨其足以信于今而傳于後余安能  
量其所至乎己丑秋七月告余歸里出所爲文  
一集請余弁數言簡端顧余何以爲言哉昔昔

文正公作秀才便以天下爲己任觀生之文可知生之志矣生長文獻之邦道南一脉代有傳人使微言大義與日月經天不絕長夜余所厚望于生者生亦曾知之乎漳浦高東溪陳剩夫周翠渠黃石齋諸先生皆卓然有立增光宇宙生其歸而求之磨礪浸潤去小疵而就大醇吾知九十九峰之名勝復一發其奇于藍生爰以信今而傳後斯文之幸也亦斯道之幸也夫已丑秋日儀封友人張伯行孝先氏題

序

藍子玉霖奇士也志高識遠超然塵壒之表議  
論風采悉奉古人爲師作爲文章原原本本可  
以坐言起行功深於鎔經鑄史之中而氣磅礴  
於語言文字之外斯人與文而皆奇昔太史公  
行天下周覽名山大川故其文疎蕩有奇氣今  
藍子年方壯行將徧歷乎四海九州之大與其  
賢人君子交遊志氣激昂精神煥發造詣正莫  
可量區區集中數藝云乎哉然水懷珠而川媚

石韞玉而山輝就茲集大槩而紬繹之藍子一  
經生耳獨能於人心風俗之所維繫綱常名教  
之所昭垂天經地誌之所研究懃懃懇懇剖晰  
精詳不啻三致意焉此豈經生之文乎余故曰  
玉霖奇士也康熙辛丑端陽日約齋汪紳文拜  
序

# 新序

七世祖玉霖公著有鹿洲集行  
世海內諸君子咸相許可業已  
不脛而走矣顧歷年旣久其版  
半多散失外閒所刻卷數減少  
或無奏疏或缺制藝且字畫舛

錯不可枚舉閱者病之謙居齋  
末何敢以先人手澤聽其就湮  
因竭數年之力網羅散失而是  
書之板復全夫人之聚散與物  
之聚散一也莫不有數存焉謙  
幸是集之獲全公諸同好俾知



公一生精神悉寄於是固有不可  
可缺略者乎爰綴數語以誌之  
簡端云

昔光緒屠維單闕之歲陽月上  
澣七世孫漳浦學生員謙謹敘

